



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Diana

Diana, Antonino

Coloniae Agrippinae, 1656

Extremæ Vnctionis Subiectum

urn:nbn:de:hbz:466:1-40647

& si argentea sit, in similem usum servari, si vero lignea cremari. Ita Marchinus de peste par. 3. c. 5. num 1. & alii par. 3. tr. 4. ref. 167. & par. 5. tract. 3. resol. 79. Sed si oleum deficit, potest misceri alium non benedictum, in parva tamen quantitate. par. 9. tr. 6. resol. 44.

EXTREMÆ-VNCTIONIS.

Forma.

Forma huius sacramenti (per istam unctiōem, & suam piissimam misericordiam indulgeat ubi Deus quidquid per visum (& repetitur ad singulos sensus; illos nominatim exprimendo) deliquisti, in nomine Patris, & Filii, & Spiritus sancti, Sed hæc ultima verba, in nomine Patris, & c. ait Filius eius 1. tr. 3. cap. 4. n. 86. non esse necessaria. Et idem docet Reginaldus tom. 2. lib. 28. c. 9. n. 56. de illis verbis: sanctam & piissimam, quia sine illis sensus manet integer. Idem dicendum cum Suarez tom. 4. disp. 40. sect. 3. num 13. contra Nugnum in addit. ad 3. part. tract. 1. quæst. 29. art. 9. concl. 4. de particula, per suam misericordiam, quia causa principalis quæ huius Sacramenti sufficienter exprimitur illis verbis, Indulgeat tibi Deus. Idem dicendum videtur de illis particulis, per visum, auditum, & c. Igitur de necessitate Sacramenti sunt illa. Per istam unctiōem indulgeat tibi Deus quidquid deliquisti. Qui vero reliqua sine necessitate omitteret, peccaret. par. 3. tract. 4. ref. 175. §. Notandum, & 180. & quidem mortaliter, quia sub ista forma recederetur Sacramentum dubium, ut est communior sententia, Præpositi Lessii, Granadi imo licet Sacramentum esset validum, adhuc graviter peccaret, sicut & ille, qui consecraret vinum congelatum, licet consecratio esset valida. par. 1. tr. 1. ref. 18. quia saltem contravenitur consuetudini Ecclesiæ.

13. Hæc autem forma, ut patet, est deprecativa. Sed an indicativa foret sufficientis? Affirmat Becanus de Sacram. cap. 27. q. 7. num. 3. quia sicut Ecclesia ex illis verbis, baptizantes eos colligit hanc formam, Ego te baptizo, ita ex illis ungentes Diana. Summa.

illum, colligere potest hanc, Ego te ungo. Deinde, quia forma Ambrosiana, & Veneta non est deprecativa Tertio, quia in Confirmatione, sufficiens est hæc forma, Consigno te Chrismate, unde, & in hoc Sacramento, ungo te oleo. Nec ob stare illud Jacobi, Orent super eum. Nam forma Sacramentalis à sanctis Patribus vocatur oratio, etiam si sit indicativa. Sed negativam sententiam Nugnus in addit. ad 3. part. q. 33. art. 6. & alii adeo certam existimant, ut dicant hoc Sacramentum collatum cum forma indicativa iterandum esse sine conditione, quia non possunt esse instituta pro uno Sacramento duæ formæ nõ habentes eundem sensum. Rõgo si deprecativa est sufficiens, non erit sufficiens indicativa, cum non habeat sensum illi æquivalentem. Sed sententiã Becani probabilem putavit Suar. in 3. tr. 10. 4. disp. 40. sect. 3. n. 7. Cum quo contra Nugnum dicendũ est, validam esse hanc formam: Unge te Oleo sancto, & Deus tibi remittat quidquid peccasti, &c. quia verbis indicativis adjungitur sufficiens deprecatio. Graviter tamen peccaret, qui hac forma uteretur par. 3. tract. 4. ref. 175.

EXTR. VNCT. SVBIECTVM.

14. EXTREMÆ Unctiōis subiectum capax, non est quicumque moriturus, sed tantum moriturus ex infirmitate, sive illa procedat ex morbo, sive ex vulnere, sive ex partu, sive ex senectute. Unde non potest ungi suspendendus, navigationem procellosam aggressurus, & c. quia Apostolus ait: Si quis infirmatur.

Extrema Unctio non potest conferri ei, qui suspendi debet.

15. Requiritur etiã usus rationis. Unde perpetuo amentibus dari non debet. Secus, si aliquando sani fuerunt, & hoc Sacramentum petierunt ex pressẽ, vel tacite in receptione aliorũ Sacramentorũ probabile sit, illos petitorios fore, si possent. Itã Zambranus de sacr. extr. unct. c. 5. dub. 2. Qui advenit in tali casu furiosum resistentem esse ligandum, & fortiter tenendum, seclusis tamen laicis ad tollendum scandalum. Quod sanẽ necessarium foret, si aliud Sacramentum recipere non potuisset. par. 2. tract. 14. ref. 84.

Sed tantum infirmis. Usus rationis habentibus. Unde non debet conferri perpetuo amentibus. Qui nunquã mentis composes fuero, nec alia Sacramenta susceperẽ.

Nisi post usum
rationis.

16. Pueri etiam ante usum rationis ungi non debent. At statim post usum rationis ungi possunt, non enim expectati debet tempus Communionis, quia maior discretio requiritur ad Communionem, quam ad hoc sacramentum. Ita Hurtado de sacr. extr. unct. diff. 10. contra Sotum in 4. dist. 23. q. 2. art. 2. Imò si dubium sit, num in puero lumen rationis irradiet, ungi debet sub conditione, si es capax. Ita Sancius diff. 27. num. 17. & novissime Lugo de Euch. diff. 13. sect. 4. n. 41. part. 3. tract. 4. ref. 169. & p. 5. 3. ref. 85.

Vel in dubio,
sub conditio-
ne (si es ca-
pax.)
Sed, quia
peccata non
sunt materia
huius Sacra-
menti.

17. Neque verò necesse est, ut hoc Sacramentum suscipiens aliquando peccaverit, quia materia huius Sacramenti non sunt peccata, sicut Pœnitentiæ. Et effectus nimirum remissio peccati, & auxilia quibus infirmus in illa lucta dæmoni resistat, sunt distincti, & unus conferri potest ei, qui non est alterius capax, unde satis est, quod infirmus peccate possit. part. 3. tract. 4. ref. 172.

Conferri potest
puero, qui
nunquam
actualiter
peccavit.

18. Legitur illud non est denegandum puero post usum rationis, quem Parochus de Confessione cognovit, nunquam actualiter peccasse quia juvare illum potest, ne peccet, & conferre sanitatem, si expedierit. Nec falsificabitur forma, Imulgeat tibi Deus Quidquid deliquisti: nã sensus est, Conferat tibi Deus gratiam de se remissivam, &c. Ob quam rationem non falsificatur forma absolutionis, cum confertur ei, qui jam est in gratia per contritionem. Ita Suarez to. 4. diff. 42. sect. 2. n. 10. quidquid neget Sanctus n. 18. part. 3. tr. 4. ref. 181. Nec ob eandem rationem deneganda est unctio adulto recentemente baptizato, qui nullum post baptismum peccatum commisit, sicut testatur Sancius num. 28. non esse denegatum Matrini an. 1620 Et ita docet Præpositus in 3. part. qu. un. de Extr. unct. dub. 7. n. 6. contra Nugnum in 3. part. qu. 32. art. 4. part. 3. tract. 4. ref. 172. & part. 5. tract. 3. ref. 6. Item in unguendi sunt oculi, & aures cæci, & surdi à natiuitate: tum, quia peccare potuerunt per interiores potentias illis membris correspondentes, ut desiderio actus mali illius sensus: tum etiam, quia satis est habuisse potentiam peccandi. Ita Præpositus

Et adulto
morienti sta-
tim post Ba-
ptismum.

tus ubi sup. dub. 8. n. 73. Qui addit, quod si defuit organum, ungi debet locus prope illud, part. 5. tr. 6. ref. 11. part. 10. tr. 16. ref. 81. Sed hic. Item ministranda est mulicenti, & surdi à natiuitate, cum periculo mortis, non verò illis, quæ sine periculo parturit. part. 10. tr. 12. ref. 9.

19. Si verò adsint peccata, & timeatur tempus defuturum, tunc debet præmitti Confessio quia prius adhibenda sunt sacramenta necessaria deinde utilia. Sed casus potest accidere, ut extrema Unctio exhiberi debeat absque eo, quod infirmus communicaverit, si v.g. adsit periculum vomitus. Imò etiam absque eo quod confessus fuerit, ut si ita morbus eum prævenit, ut nec signa pœnitentiæ dare possit. Imò quantum est ex ordine Sacramentorum, potest regulariter ungi peccator absque prævia Confessione. Nam ad hoc Sacramentum dignè suscipiendum ad summum fati est contritio, vel attritio sumata contritio. Ita Filicinus tr. 1. part. 7. c. 5. n. 114. & Barbosa de off. Parochi c. 22. n. 36. p. 5. tr. 3. ref. 92.

20. In una infirmitate, in qua infirmus non nisi semel appropinquat morti non debet Unctio iterari. At si infirmitas est longa, & post unctioem in periculo mortis à quo infirmus liberatus sit elapso aliquo tempore arbitrio prudentis viri, in aliud periculum incidat, etiam si plenè non convaluerit, potest iterum ungi. Vide Kellisonum tract. 2. in 3. part. qu. 33. art. 2. part. 5. tract. 3. ref. 69. part. 10. tract. 11. ref. 11. Imò collata infirmo non graviter, & periculose laboranti est invalida, Suarez & alii, in dubio vero quando Medici hæsitant de ejus salute debet ministrari. Chapeavilla, si potest infirmitas de non periculosa, sit periculosa, & prima unctio fuit invalida, potest iterum ministrari. Quintanad. p. 9. tr. 6. ref. 45.

EXTREMÆ VNCTIONIS

Minister.

21. MINISTER huius Sacramenti non potest esse, nisi Sacerdos: ejus enim ministerium est actus Ordinis.

Minister huius Sacramenti est solus Sacerdos.